


# ÉIN AG SNÁMH



## Pictiúr: Radharc:

Páid agus Bríd ar a nglúine ar bhruach na habhann, éin ag snámh san abhainn, píosaí aráin le cur sa chiorcal cainte agus i lámha Pháid agus Bhríde de réir mar a oireann, éan amháin (eala) “ina codladh”, na héin ag imeacht leo ansin.

Céim 4: ag déanamh ceachtanna (Ceacht 36), ag léamh leabhair (Ceacht 16), ag scuabadh an urláir (Ceacht 7), ag ní lámha, ag oscailt fuinneoige.

Gníomhartha agus geáitsíocht a dhéanamh dé réir mar a bhíonn gá leo.

## CÉIM 1. CLOISTEÁIL AGUS AITHINT

### Cuntas Reatha

Chuaigh Páid agus Bríd síos go dtí an abhainn. Chonaic siad na héin ag snámh. Bhí spórt mór acu leo.

### Agallamh

PÁID: Tá ocras ar na héin. Caithfidh mé arán a thabhairt dóibh.

BRÍD: Níor thug mise aon arán liom. Caithfidh tusa píosa a thabhairt dom.

PÁID: Seo duit. Ó Féach! an bhfuil an t-éan sin marbh?

BRÍD: Níl. Tá sé ina chodladh.

### Cuntas Reatha

D’ith na héin an t-arán go léir. D’imigh siad leo ag snámh. D’fhan Bríd agus Páid ag féachaint orthu.

## CÉIM 2. AITHRIS

## CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Cé a chuaigh go dtí an abhainn?

Chonaic siad rud éigin?

Bhí spórt acu, is dócha?

Tá tart ar na héin, a “Pháid”?

Caithfidh tú rud éigin a thabhairt dóibh?

An bhfuil arán agatsa, a “Bhríd”?

Abair le Páid píosa a thabhairt duit.

Tabhair di é, a “Pháid”.

Agus tá ceist agat faoin éan sin?

Freagair é, a “Bhríd”.

Conas mar atá sé? (Cén chaoi a bhfuil sé?)

Céard a rinne na héin?

Agus ansin?

Agus céard faoi Pháid agus Bhríd?

#### CÉIM 4. CLEACHTADH MÚNLAÍ AGUS FOCLÓRA

1. *Chonaic* siad na héin.

(*gach lá, amárach, anois; ní, an?: inné; ní, an?: amárach*).

2. Caithfidh mé *arán* a thabhairt dóibh.

(*mo cheachtanna a dhéanamh, mo leabhar a léamh, mo lámha a ní, an fhuinneog a oscailt, an t-urlár a scuabadh*).

3. Níor thug *mise* aon *arán* liom.

(*mise, eisean, ise, iadsan, Seán, Máire*).

4. *D'ith* na héin an t-*arán*.

(*gach lá, maidín amárach, aréir, anois; níor, ar?: inné; an? ní: amárach*).

#### CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.

2. Scéal a chumadh:

“*Chuaigh Páid agus Bríd síos go dtí an abhainn. Thit Bríd isteach . . .*”

Ceisteanna ó pháistí eile.

3. Dráma:

Páid agus Bríd ag insint dá máthair faoina bhfaca agus faoina ndearna siad thíos ag an abhainn.

4. Comhrá faoin bpictiúr agus ceisteanna ó pháistí ar a chéile agus ar an múinteoir.

5. Páistí ag cur síos ar pheata éin atá acu féin sa bhaile.

6. Cluiche sa chlós:

Na páistí ag caitheamh píosaí “aráin” (boscaí lasán folamha) chuig éiníní atá ag “eitilt”. Sciobann gach éan píosa más féidir. Iadsan a n-éiríonn leo píosa a sciobadh éiríonn siad as an gluiche. Leantar ar aghaidh leosan a bhíonn fágtha. (Is féidir ainmneacha na n-éanlaith i dtimpeallacht na bpáistí a thabhairt isteach anseo).

**Rann Ceoil** (An ceol ar théip)

I

Eala ag snámh  
Ansiúd san abhainn  
Ag lorg aráin  
A chaith Nóirín ann.

*Curfá*  
Ag snámh ins an abhainn  
Ag snámh go réidh  
Ag snámh, ag snámh  
I rith an lae.

II

Eala mhór bhán  
Ag lígean a scíth  
Istigh faoina sciathán  
Tá a gob deas buí.

*Curfá*  
Ag snámh ins an abhainn  
Ag snámh go réidh  
Ag snámh, ag snámh  
I rith an lae.